

CLASSIS V.

D E

OLEIS DISTILLATIS.

OLEA ESSENTIALIA.

OLEUM ESSENTIALE

VULGO

ESSENTIA SPICÆ.

℞. Spicæ idest Lavandulæ florecentis
— quantum sufficit.

Instituatur distillatio cum affusione liquoris extra-
cti ad novam herbanı pluries iterata, ut in Aqua
Melissæ per cohobationem superius descripta. Post
aliquot cohobationes in liquore distillato Oleum es-
sentiale supernatans apparebit; quod proprio instru-
mento diligenter separatum in usum servetur.

Eadem

Eadem ratione ex aliis quoque plantis præsertim odoratis Olea Essentia, sive ut vulgo ajunt Essentia educi possunt: E. G.

Oleum Essentiale Absinthii,
 Oleum Essentiale Sabinæ,
 Oleum Essentiale Thymi,
 Oleum Essentiale Salviæ,
 Oleum Essentiale Menthæ,
 Oleum Essentiale Rorismarini,
 Oleum Essentiale Florum Chamæmeli,
 Oleum Essentiale Rosarum. &c.

Neque interim de omnibus regula generalis statui potest: nam aliæ quidem herbæ æstate, aliæ autumno colligendæ, aliæ recentes distillandæ, aliæ ad umbram modice siccata: in nonnullis maceratio distillationi præmittenda, addita si opus fuerit Salis Marini, vel Salis Tartari portione: non tamen maceratio ad fermentationem ducenda, sic enim Oleum attenuatum, & aquoso latici permixtum spiritus formâ prodiret. Qui has cautiones neglexerit vel nullam, vel minimam certe Olei copiam obtinebit.

OLEUM ESSENTIALE CORTICUM

CITREI.

℞. Corticum Citrei exteriorum — libras duas,
 Aquæ fontis — libras decem.

Distilla ut artis est, nulla maceratione præmissa:

Eadem

Oleum

Oleum liquori distillato supernabit fragrantissimum, quod in usum servabitur.

Ex Aurantiis ac Limonibus immaturis eadem lege extrahi possunt Olea essentialia.

Olea essentialia haecenus recensita stomachica fere sunt omnia, cardiaca, roborantia, statusque discutientia: de indole quoque simplicium ex quibus petuntur multum retinent.

Dosis ad guttas aliquot in convenienti liquore.

OLEUM ESSENTIALE ANISORUM.

℞. Anisorum modice contusorum — libras decem,

Aquæ salitæ — libras quadraginta.

Macera per biduum, & ex ahenis distilla: habebis Oleum liquori distillato supernatans, quod frigore coagulabitur; procedente tempore sponte liquefcet, odoris interim & saporis gratia amissa. Ne sit capitelli fistula nimis angusta, neque nimium refrigerata, ne Oleum in ipsa cum artificis damno concreascet.

Ventriculum roborat, flatus pellit, menses ciet, pulmone male affecto succurrit.

Dosis a scrupulo semis ad scrupulum unum.

Ita etiam e feminibus Foeniculi & Carvi elici potest Oleum essentialiale.

OLEUM ESSENTIALE

BACCARUM JUNIPERI.

Eadem ratione paretur ac Oleum Anisorum.

Usus in paralyfi, ulcere pulmonum, dolore colico, & peste.

OLEUM ESSENTIALE

CARYOPHYLLORUM.

R. Caryophyllorum ————— libram unam,

Aquæ fontis ————— libras duodecim.

Distilla ex ahenò, ut artis est, igne sub initium satis vehementi: prodibit aqua turbida, & cum ipsa Oleum essenziale acerrimum, ponderosum, quod fundum aquæ petet. Ubi duas tertias liquoris partes elicueris desiste: Oleum separa ab aqua per instrumentum proprium, ac in vase rite obturato reconde. Aquam distillatam una cum decocto in fundo aheni superstitite adhibere poteris ad novos Caryophyllos distillandos, sicque uberiores Olei copiam obtinebis.

Fervidissimum est ac pene causticum: in morbis frigidissimis ad inertiam spirituum suscitandam, facultates vitales recreandas in primis efficax habetur.

Dosis ad paucas guttas.

Huc pertinent Olea essentialia reliquorum aromaticorum, quæ cuncta eadem methodo extrahuntur ac
Oleum

Oleum Caryophyllorum. Inter cetera omnium pretiosissimum eminet Oleum Cinnamomi, quod tamen in his locis parum feliciter succedit. Si quis enim liquoribus præcedentium distillationum carens, adhibita aqua pura opus aggrediatur, minimam consequetur Olei copiam, quæ impensas vix adæquabit. Ex Batavia igitur pro usibus medicis optimum & sincerissimum accersendum.

OLEUM CARYOPHYLLORUM

PER DESCENSUM.

℞. Caryophyllorum ————— quantum placet.

Contunde in massam pinguem, & extende supra linteum densum: linteum expande supra os vasis cylindrici vitrei: patinam ferream convexam linteo superpone, quæ Caryophyllos contusos premat nonnihil intra cavum vitri. Calefiat leniter patina cinere imposito, & paucis carbonibus ardentibus: ad interiorum vitri ambitum Aqua pariter & Oleum stillabunt. Perge eodem gradu moderatissimo caloris donec nihil amplius egrediatur: Oleum habebis per descensum, quod a phlegmate suo facile separabis. Si paulo vehementiorem ignem adhibueris, odore gravi empyreumatico Oleum vitriabitur.

Convenit cum Oleo per ascensum; sed illud præstantius est, ac pro interno potissimum usu huic per descensum anteponendum.

OLEA ELEMENTARIA.

OLEUM, ET SPIRITUS ACIDUS
LIGNI GUAJACI.

℞. Scobis vel fragmentorum Ligni Guajaci
— quantum satis :

Immitte in retortam loricatam: distilla per gradus in reverberii furnulo, appposito recipiente vitreo: prodibit initio phlegma, quod ut inutile projicies: postea obferatis commissuris ignem urge per omnes gradus. Vaporibus implebitur recipiens: liquor acidus ruber sive Spiritus exstillabit cum Oleo, primum tenui ac supernatante, deinde crasso, sub-nigro, & fundum petente. Refrigeratis omnibus, liquores e recipiente leniter effundes, ut Oleum crassius ac in fundo subsidens remaneat. Oleum tenuius ac levius per infundibulum a Spiritu sive acido liquore separabis.

Oleum densum promiscue adbiberi potest cum Oleo Guajaci per descensum: tenue apud nos usum vix habet.

Eadem ratione parentur

Oleum Ligni Buxi,

Oleum Ligni Juniperi. &c.

Cum vero ligni alicujus odorati, uti Santali Citrini, Ligni Rhodii, Sassafras, ac similium Oleum præscriptum occurrerit, non elementare intelligendum,

dum, sed essentielle. Extrahendi modus idem qui Olei Caryophyllorum, & Olei Cinnamomi.

OLEUM LIGNI GUAJACI

PER DESCENSUM.

℞. Ligni Guajaci in taleolas concisi
— quantum sufficit.

Imple ollam terream mundam, cujus ori alterius ollæ amplioris os obvertes: interposita lamina ferrea cribri instar pertusa, & juncturis apte conglutinatis, ollam vacuum sub terra defodies ad eum fere locum quo cum olla plena connectitur. Circa ollam superextantem carbonum acervum incendes, quo undique operiatur: eo consumpto ollas ab invicem dirime. Oleum densum in inferiori habebis, quod a suo phlegmate ex lege artis separabis.

Externe adhibetur in ulceribus venereis ad ossium cariam extirpandam.

OLEUM, ET SPIRITUS ACIDUS

TEREBINTHINÆ.

℞. Terebinthinæ Venetæ ——— quantum satis.

Distilla ex retorta loricata per omnes ignis gradus: prodibit initio phlegma, deinde liquor acidus, & cum eo Oleum subtilissimum æthereum dictum, postea densius aliud rubelli coloris, ultimo crassum & subnigrum: refrigeratis omnibus liquores simul

simul confunde, ut Olea commisceantur, a quibus Spiritum acidum ex arte separabis per infundibulum.

Vulnerarium & balsamicum insigne est, Chirurgis usitatissimum.

Oleum æthereum seorsim asservare poteris, si libuerit: quod si purissimum ac limpidissimum desideres, Terebinthinam cum triplo Aquæ fontis distilla ex ahenò vel cucurbita vitrea. Aquæ in excipulo collectæ Oleum innabit pellucidum, tenue, æthereum proprie dictum, quod separatim ad usum servabis. In ahenò vel cucurbita remanebit Terebinthina excocta instar Colophonix.

Resinosa corpora dissolvit, eoque titulo ad mechanica & chymica opera expetitur.

OLEUM, SPIRITUS, ET SAL VOLATILIS SUCCINI SEU KARABES.

Rx. Fragmentorum Succini ——— quantum satis

Inde in retortam loricatam ad repletionem tertiæ partis: distilla igne per gradus paulatim aucto: prodibit initio phlegma, deinde liquor spirituosus, cum Olei tenuis portione. Rursus ignem gradatim auge: apparebit ad collum retortæ ac recipientis Sal Volatilis dictus; eodemque tempore Oleum subrubrum exhibit. Ubi nihil fere vasorum parietibus accrescere videas, amoto recipiente, salem omnem aufer sollicite, ne ab Oleo superveniente obruatur. Si distillationem ad finem perducere libeat, applicato

cato iterum recipiente, urge ignem vehementer: prodibit Oleum nigrum satis copiosum. Refrigeratis omnibus liquorem spirituosum ab Oleis separa ope infundibuli; Olea vero ipsa simul confusa rursus distilla ex retorta vitrea in balneo arenæ: prodibit Oleum purius ac tenuius, quod in usum servabis.

Paralyticis, hysteriis, apoplecticis, & epilepticis convenit, tam interne quam externe adhibitum.

Dosis a gutta una ad guttas quatuor.

BUTYRUM CERÆ.

℞. Ceræ flavæ ————— uncias sex,

Arenæ siccæ cribratæ ————— libram unam.

Ceræ liquefactæ arenam admisce, & globulos efforma, eosque ex retorta loricata per gradus distilla. Prodibit initio phlegma, deinde Oleum instar Butyri in recipiente concreescens, initio tenuius, postea nonnihil densius. Hoc a phlegmate separatum ad usum servabis.

Anodynum est, nervinum, emolliens, laxans: ad hæmorrhoides dolentes unguenti loco adhibetur.

OLEUM CERÆ LIQUIDUM.

℞. Butyri Ceræ ————— quantum placet.

Liquefactum infunde in retortam vitream, quæ ad dimidiam partem impleatur: distilla calore arenæ

næ sensim & per gradus aucto. Butyrum totum exhibit in recipiens, vix ulla sæce relicta; sed consistentiæ longe mollioris: operationem hanc toties iterabis, dum Oleum prorsus liquidum obtineas.

Ad labiorum ac papillarum scissuras curandas, pernio- nes discutiendos, rigidas nervorum ac tendinum contra- ctiones leniendas nihil efficacius. Exhibetur etiam interne.

Dosis a guttis sex ad guttas duodecim.

OLEUM DE LATERIBUS MESUÆ

SIVE

OLEUM PHILOSOPHORUM.

Rz. Laterum antiquorum frusta — quot volueris.

Ignita submerge in

Olei Olivarum ——— quantitate sufficienti,

ut perfecte imbui possint: postea exsiccata in cras- sum pulverem comminue, ac distilla ex retorta lo- ricata igne reverberii. Oleum in recipiente colle- ctum, & a phlegmate si opus fuerit separatum ad usum servabis.

Penetrandi & attenuandi vim habet; in artbritide, & paralyfi externe adhibitum commendatur: lienis quoque, renum, vesicæ, uteri, nervorum, & articulorum doloribus ac vitiis a frigida causa ortis conducit.

OLEUM

OLEUM CORNU CERVI.

Producitur eadem elaboratione quam pro Spiritu Cornu Cervi descripsimus: ita etiam eliciuntur ope distillationis una cum suis Spiritibus & Salibus volatilibus, ac fere inter se omnia conveniunt,

Oleum Cranii humani,
Oleum Sanguinis humani,
Oleum Viperarum,
Oleum Fuliginis. &c.

OLEUM ANIMALE

DIPPELII.

R₂. Olei Cornu Cervi, vel alterius cujuslibet Animalis — quantum placet.


Ablue sæpius aqua pura, ut sal volatilis ipsi adhærens prorsus separetur. Iterata pluries ac pluries rectificatione in alembico vitreo, mitius tandem fiet, tenue, pellucidum, saporis odorisque haud ita ingrati, & quod internis etiam usibus destinari possit.

Commendatur ut anodynum, paregoricum, resolvens, ac febrifugum.

Dosis a guttis viginti ad guttas triginta.

Bbb

BAL-



BALSAMA EX OLEIS

DISTILLATIS.

BALSAMUM APOPLECTICUM

ZVVELFFERI.

℞. Olei essentialis Cinnamomi,
 Coriandrorum,
 Majoranæ,
 Spicæ,
 Rorismarini,
 Salviæ,
 Succini rectificati, — ana scrupulum semis,
 Nucis Moschatæ — drachmas tres & semis,
 Balsami Peruviani — scrupulos duos.

Misce, & fiat Balsamum sine igne.

*Ad capitis affectus sublevandos expetitur, maxime pro
 iis qui ab odoratis non læduntur.*

Exemplo esse potest ad similia Balsama compo-
 nenda.

BALSAMUM SULPHURIS

TEREBINTHINATUM.

℞. Florum Sulphuris — — — — — unciam unam,
 Olei Terebinthinæ ætherei — — — — — uncias quatuor.
 Dige-

Digere in phiala vitrea calore lenissimo per horas duas: postea leviter bulliat mixtura, ut Flores in Oleo solvantur. Liquorem a parte non soluta per inclinationem separa, & usui serva.

In pulmonum ulceribus interne exhibetur, absente febre.

Dosis a gutta una ad guttas quinque.

BALSAMUM SULPHURIS

ANISATUM.

R₂. Florum Sulphuris ————— unciam unam,

Olei Anisorum ————— uncias quatuor.

Eadem ratione fiat ut Balsamum Sulphuris Terbinthinatum.

Cum precedenti convenit, sed mirius & suavius.

Dosis a guttis duabus ad guttas duodecim.



Bbb 2

CLAS-